

sein wolten und kein herren haben dann den kaiser. Sie wolten alle schlöffer und clöster, und was den namen hat geistlich, zerstören.

15.

Ausbruch des Bauernkriegs in Franken 1525.

(Schreiben des Pfalzgrafen Ludwig an den Bischof von Würzburg.)

(Fries: Geschichte des Bauernkriegs in Ostfranken. Würzburg 1883. S. 13.)

Lieber besonder freund. wir haben euer liebden schreyben, darin sie uns etlicher bauren entporung eroffnen, empfangen und inhalts sampt angehafter euer liebden begeren verstanden. geben darauf euer liebden widerumb freundlicher mahnung zu erkennen, das nit one hieniden lands umb uns an vil orten die bauren sich auch vilerlay mutwillens besleyßen und sich in usruhn bewegen zu lassen nit klainen lust tragen, aber bis noch durch gute worte, wir ine durch unsere rethe und amptleut geben, solchs verkomen, got lang. haben aber dannoch auch nit unterlassen und uns in gheime bey etlichen fürsten beworben, ob sich etwas entpören wolte, uns uf ferner schreyben rathigen zu schicken, so vil möglich, solchem zu begegnen und bey zeit zu verkomen. so geben wir auch in vil sachen den bauren h̄ zur Zeit nach, beschweren sie nit sonders mit alten gewonhaiten, noch vil weniger mit neuerung. dergleichen sich euer liebden auch besleyßen thuen und wollen die schweren leuste h̄ und ansehen, der irn so vil möglich verschonen und besonder mit keiner neuerung befestigen, wie wir uf gestern vernomen und euer liebden on das anzuzahgen wollen, das euer liebden bauren darumb sich in entporung richten sollen, das euer liebden die bundshilf¹⁾, als ein neuerung uf sie geschlagen, dieselbigen zu erhalten. wa dem also were, so stellen euer liebden solchs furderlich ab; dann wiewol wir des vast notdürstiger weren, dann euer liebden, so mächten wir doch diser zeit auß der not ain tugent. das wolte euer liebden von uns in allem guthem auf freuntlicher mainung vermerken. wa sich auch daruber der bauren entporung bey euer liebden in solch vertiefung richten wurden, das euer liebden unser hilf notturtig, wa wir

¹⁾ Beitrag zum Schwäb. Bund.